

<<ՀԱՍՏԱՏՈՒՄ ԵՄ>>

ՀԱՅԱՍՏԱՆԻ ՇԱԽՄԱՏԻ ՖԵԴԵՐԱՅԻԱՅԻ
ՆԱԽԱԳԱՀ ԱՆԲԺՄԱՐԳՍՅԱՆ



ԿԱՆՈՆԱԴՐՈՒԹՅՈՒՆ

**ՀԱՅԱՍՏԱՆԻ ՇԱԽՄԱՏԻ ՖԵԴԵՐԱՅԻԱՅԻ ՊԱՇՏՈՆԱԿԱՆ
ԱՌԱՋՆՈՒԹՅՈՒՆՆԵՐԻ**

ՀԱՅԱՍՏԱՆԻ 86-ՐԴ ԱՌԱՋՆՈՒԹՅՈՒՆ

86-րդ առաջնության բարձրագույն խմբի մրցաշարը կանցկացվի 2026 թվականի հունվարի 13-ից 23-ը՝ Երևանում: Մասնակցության իրավունք կունենան՝

Ա. 2025 թվականի մայիսի 1-ի և հոկտեմբերի 1-ի միջազգային վարկանիշների միջին ցուցանիշներով լավագույն 4 ամենաբարձր վարկանիշ ունեցող շախմատիստները:

Բ. 86-րդ առաջնության առաջին խմբի մրցաշարում 1-3-րդ տեղերը գրաված շախմատիստները:

Գ. 85-րդ առաջնության բարձրագույն խմբի մրցաշարում 1-3-րդ տեղերը գրաված շախմատիստները:

**Եթե 1-3-րդ տեղերը գրաված շախմատիստներից որևէ մեկը հրաժարվում է մասնակցությունից, ապա տեղերը կլրացվեն հաջորդ ամենաբարձր միջազգային վարկանիշ ունեցող շախմատիստներով:*

Մասնակցության իրավունք ունեցող շախմատիստները պետք է գրավոր հաստատեն իրենց մասնակցությունը մինչև 2025 թվականի դեկտեմբերի 10-ը, հակառակ դեպքում կկորցնեն մրցաշարին մասնակցելու իրենց իրավունքը:

86-րդ առաջնության առաջին խմբի մրցաշարը կանցկացվի 2025 թվականի հոկտեմբերի 20-ից նոյեմբերի 30-ն ընկած ժամանակահատվածում, շրջանային մրցակարգով՝ 12 մասնակիցներով:

Մասնակցության իրավունք ունեն՝

Ա. 2025 թվականի մարտի 1-ի և սեպտեմբերի 1-ի միջազգային վարկանիշների միջին ցուցանիշով 6 ամենաբարձր վարկանիշ ունեցող շախմատիստները

Բ. 4 շախմատիստ Հայաստանի տղամարդկանց 2025 թվականի առաջնության կիսաեզրափակիչ մրցաշարից:

Գ. Հայաստանի մինչև 18 տարեկան պատանիների 2025 թվականի չեմպիոնը

Դ. Մեկ շախմատիստ ֆեդերացիայի որոշմամբ՝ մինչև 18 տարեկան պատանի շախմատիստներից

**Եթե շախմատիստներից որևէ մեկը հրաժարվում է մասնակցությունից, ապա տեղերը կլրացվեն հաջորդ ամենաբարձր միջազգային վարկանիշ ունեցող շախմատիստներով:*

Մասնակացության իրավունք ունեցող շախմատիստները պետք է գրավոր հաստատեն իրենց մասնակցությունը մինչև 2025 թվականի հոկտեմբերի 1-ը, հակառակ դեպքում կկորցնեն մրցաշարին մասնակացելու իրենց իրավունքը:

Հայաստանի 86-րդ առաջնության առաջին խմբի ընտրական փուլ է Հայաստանի տղամարդկանց 2025 թվականի առաջնության կիսաեզրափակիչ մրցաշարը, որը կանցակցվի շվեյցարական մրցակարգով, 9 խաղափուլով:

Մրցաշարը կանցկացվի 2025 թվականի օգոստոս և սեպտեմբեր ամիսներին:

Այդ մրցաշարերում մասնակցության անհատական իրավունք ունեն.

ա. բարձրագույն և առաջին խմբի մրցաշարերում մասնակցության իրավունք չունեցող միջազգային գրոսմայստերներն ու վարպետները, ՖԻԴԵ-ի և ազգային վարպետները, կին գրոսմայստերներն ու միջազգային վարպետները,

բ. 2301 և բարձր ՖԻԴԵ-ի կամ ազգային վարկանիշ ունեցող շախմատիստները,

գ. Հայաստանի մինչև 18 տարեկան պատանիների առաջնությունում 2-5-րդ տեղեր գրաված շախմատիստները,

դ. Հայաստանի մինչև 16 տարեկան պատանիների առաջնությունում 1-5-րդ տեղեր գրաված շախմատիստները,

ե. Հայաստանի մինչև 14 տարեկան պատանիների առաջնությունում 1-3-րդ տեղեր գրաված շախմատիստները,

զ. Հայաստանի մինչև 12 տարեկան պատանիների առաջնությունում 1-ին տեղ գրաված շախմատիստը,

է. Հայաստանի մինչև 18 և 16 տարեկան աղջիկների առաջնությունում 1-ին տեղեր գրաված շախմատիստուհիները,

Հայաստանի տղամարդկանց առաջնության կիսաեզրափակիչ մրցաշարերին մասնակցության անհատական իրավունք ունեն. 5-ական շախմատիստ Շիրակի, Կոտայքից, 4-ական Լոռու, Սյունիքի և Արմավիրի մարզերից, 3-ական՝ Արարատի, 2-ական Արագածոտնի, Գեղարքունիքի, Վայոց Ձորի և Տավուշի մարզերից: Հայաստանի շախմատի ֆեդերացիան սեփական հայեցողությամբ կարող է արտոնել լրացուցիչ երկու շախմատիստների մասնակցությունը:

ՀԱՅԱՍՏԱՆԻ ԿԱՆԱՆՑ 81-ՐԴ ԱՌԱՋՆՈՒԹՅՈՒՆ

81-րդ առաջնության բարձրագույն խմբի մրցաշարը կանցկացվի Երևանում, 2026 թ. հունվարի 13-23-ը:

Մասնակցության իրավունք կունենան.

ա. Հայաստանի կանանց 80-րդ առաջնության բարձրագույն խմբի մրցաշարում 1-3-րդ տեղեր գրաված շախմատիստուհիները,

բ. Կանանց միջազգային գրոսմայստերներն ու միջազգային վարպետները, ում 2025 թ. մարտի 1-ի և հուլիսի 1-ի միջազգային վարկանիշների միջին ցուցանիշը կլինի 2150 կետ կամ ավելի բարձր,

գ. Հայաստանի կանանց 81-րդ առաջնության 1-ին խմբի մրցաշարում 1-3-րդ տեղեր գրաված շախմատիստուհիները:

Մասնակցության իրավունք ունեցող շախմատիստուհիները պետք է գրավոր հաստատեն իրենց մասնակցությունը մինչև 2025 թ. դեկտեմբերի 10-ը, հակառակ դեպքում կկորցնեն մրցաշարին մասնակցելու իրենց իրավունքը:

81-րդ առաջնության առաջին խմբի մրցաշարը (Երևանի բաց առաջնություն) կանցկացվի 2025 թվականի հոկտեմբերի 20-ից նոյեմբերի 30-ի ընթացքում, շվեյցարական մրցակարգով, 9 խաղափուլով:

Մասնակցության իրավունք ունեն

ա. 2001 և բարձր ազգային վարկանիշ ունեցող շախմատիստուհիները,

բ. կիսաեզրափակիչ մրցաշարում 1-10-րդ տեղերը գրաված շախմատիստուհիները,

գ. Հայաստանի մինչև 18, 16, 14 և 12 տարեկան աղջիկների առաջնությունում 1-3-րդ տեղ գրաված շախմատիստուհիները,

դ. Հայաստանի մինչև 10 տարեկան աղջիկների առաջնությունում 1-ին տեղ գրաված շախմատիստուհին,

Հանրապետության մարզերը ներկայացնող 2025 և բարձր ազգային վարկանիշ ունեցող շախմատիստուհիները մրցումների ընթացքում կապահովվեն հյուրանոցով և օրապահիկով:

Հայաստանի կանանց 81-րդ առաջնության կիսաեզրափակիչ մրցաշարը կանցկացվի Երևանում, 2025 թվականին, հունիս ամսվա ընթացքում, շվեյցարական մրցակարգով, 9 խաղափուլով: Մասնակցության իրավունք ունեն մինչև 2001 ազգային վարկանիշ ունեցող, ինչպես նաև առաջին և երկրորդ կարգային շախմատիստուհիները:

ՀԱՅԱՍՏԱՆԻ ՊԱՏԱՆԻՆԵՐԻ ԵՎ ԱՂՋԻԿՆԵՐԻ ԱՌԱՋՆՈՒԹՅՈՒՆ

Հայաստանի պատանիների և աղջիկների առաջնության եզրափակիչ մրցաշարերը կանցկացվեն Երևանում, 2025 թ. ապրիլի 13-23, ըստ հետևյալ տարիքային խմբերի.

Տղաներ

ա. մինչև 8 տարեկան շախմատիստներ,

բ. մինչև 10 տարեկան շախմատիստներ,

գ. մինչև 12 տարեկան շախմատիստներ,

դ. մինչև 14 տարեկան շախմատիստներ,

ե. մինչև 16 տարեկան շախմատիստներ,

զ. մինչև 18 տարեկան շախմատիստներ:

Աղջիկներ

ա. մինչև 10 տարեկան շախմատիստներ,

բ. մինչև 12 տարեկան շախմատիստներ,

գ. մինչև 14 տարեկան շախմատիստներ,

դ. մինչև 16 տարեկան շախմատիստներ,

ե. մինչև 18 տարեկան շախմատիստներ:

Բոլոր մրցաշարերը անցկացվում են շրջանային մրցակարգով, ընդ որում տղաների «ա», «բ» և «գ», աղջիկների «ա» և «բ», մրցաշարերը 12, իսկ տղաների «դ», «ե», «գ» և աղջիկների «գ», «դ», «ե» մրցաշարերը՝ 10 մասնակցով: Այս մրցաշարերի համար ընտրական փուլ են հանդիսանում Երևանը և հանրապետության մարզերը ներկայացնող շախմատիստների ընդհանուր կիսաեզրափակիչ մրցաշարերը: Ընտրական մրցաշարերը անցկացվում են առանձին տարիքային խմբերով, շվեյցարական մրցակարգով, 9 խաղափուլով:

Պատանիների «բ», «գ», «դ», «ե», և

աղջիկների «ա», «բ», «գ», «դ», «ե» մրցաշարերում մասնակցության

անհատական իրավունք ունեն Հայաստանի 2024 թ. առաջնությունների հաղթողները, եթե նրանք մասնակցում են իրենց տարիքին համապատասխան մրցաշարում:

Վերը նշված մրցաշարերում ըստ տարիքային վարկանիշային ցուցակների մասնակցության անհատական իրավունք կատանան.

տղաներ՝

<<գ>> մրցաշարում՝ 1 շախմատիստ, <<դ>> մրցաշարում՝ 2 շախմատիստ, <<ե>> մրցաշարում՝ 3 շախմատիստ, <<գ>> մրցաշարում՝ 7 շախմատիստ,

աղջիկներ՝

<<բ>> մրցաշարում՝ 1 շախմատիստ, <<գ>> մրցաշարում՝ 2 շախմատիստ, <<դ>> մրցաշարում՝ 3 շախմատիստ.

<<ե>> մրցաշարում մասնակցության իրավունքը տրվում է 1980 և բարձր վարկանիշով շախմատիստուհիներին:

Այստեղ և հետագայում հիմք է ընդունվում 2025 թ. հունվարի 1-ի դրությամբ հրապարակված վարկանիշային ցուցակը, ընդ որում, եթե հաշվարկվել է շախմատիստի խաղացած առնվազն 40 պարտիա:

Եթե Հայաստանի չեմպիոնները նշված վարկանիշային սանդղակներում են, մասնակցության իրավունք է տրվում համապատասխան վարկանիշային ցուցակի հաջորդ շախմատիստին: Բոլոր մրցաշարերում թափուր տեղերը լրացվում են Հայաստանի պատանիների և աղջիկների առաջնության կիսաեզրափակիչ մրցաշարերից:

Հայաստանի պատանիների և աղջիկների առաջնության եզրափակիչ բոլոր մրցաշարերում հանդես գալու իրավունք ստացած ոչ երևանաբնակ մասնակիցները մրցումների ընթացքում կապահովվեն հյուրանոցով և օրապահիկով:

Հայաստանի պատանիների և աղջիկների առաջնություններում թույլատրվում է շախմատիստի մասնակցությունը ավելի բարձր տարիքային խմբերի մրցաշարերին: Այդ

մասին նա, ինչպես նաև մասնակցության անհատական իրավունք ունեցող շախմատիստները պետք է տեղյակ պահեն մինչև 2025 թ. փետրվարի 25-ը:

Ընտրական բոլոր մրցաշարերում արգելվում է այն շախմատիստների մասնակցությունը, ովքեր որևէ տարիքային խմբում Հայաստանի առաջնության եզրափակիչ մրցաշարում մասնակցության անհատական իրավունք ունեն:

Հայաստանի պատանիների և աղջիկների առաջնության եզրափակիչ մրցաշարերում 1-ին տեղ գրաված շախմատիստները կգործուղվեն մասնակցելու աշխարհի պատանեկան առաջնությանը, իսկ 2-րդ տեղ գրաված շախմատիստները՝ Եվրոպայի պատանեկան առաջնությանը:

Մինչև 8 տարեկան տղաների եզրափակիչ մրցաշարում 1-ին տեղ գրաված շախմատիստին ֆեդերացիան կգործուղի մասնակցելու աշխարհի պատանեկան առաջնությանը, իսկ 2-րդ տեղ գրաված շախմատիստին՝ Եվրոպայի պատանեկան առաջնությանը, այն պայմանով, որ շախմատիստին պարտադիր կարգով պետք է ուղեկցի անհատական մարզիչը կամ ծնողը: Մարզչի կամ ծնողի գործուղման հետ կապված ծախսերը ֆեդերացիան չի հոգալու:

Ֆեդերացիայի որոշման համաձայն, ևս 2 շնորհալի պատանի շախմատիստներ իրավունք կստանան ֆեդերացիայի միջոցների հաշվին մասնակցելու աշխարհի և Եվրոպայի պատանիների առաջնություններին:

Սեփական միջոցների հաշվին այդ առաջնություններում մասնակցության իրավունք ունեն նաև.

ա. 3-5-րդ տեղեր գրաված շախմատիստները,

բ. 6-10-րդ տեղեր գրաված այն շախմատիստները, ովքեր իրենց տարիքային խմբում ամենաբարձր ազգային վարկանիշ ունեցող 5 շախմատիստների ցուցակի մեջ են, իսկ մինչև 10 տարեկան այն տղա և աղջիկ շախմատիստները, ովքեր իրենց տարիքի շախմատիստների ցուցակում 1-2-րդ տեղերում են,

գ. Հայաստանի նախորդ տարվա չեմպիոնները,

դ. Աշխարհի և Եվրոպայի 8-18 տարեկան պատանիների և աղջիկների առաջնություններում 1-10-րդ տեղեր գրաված շախմատիստները,

ե. 6-րդ տեղ գրաված այն շախմատիստները, որոնք հաջորդ տարի հանդես են գալու նույն տարիքային խմբի մրցաշարերում և եթե 1-5 տեղեր գրաված մասնակիցների թվում իրենց տարիքի այլ շախմատիստ չկա,

զ. Ստեփան Ավագյանի հիշատակին նվիրված «Ջերմուկ 2025» պատանեկան միջազգային բաց մրցաշարի մինչև 8, 10, 12 և 14 տարիքային խմբերում 1-ին հորիզանական գրաված շախմատիստները:

Սեփական միջոցների հաշվին մասնակցության իրավունք ձեռք բերած շախմատիստներին պարտադիր կարգով պետք է ուղեկցի անհատական մարզիչը:

Աշխարհի մինչև 20 տարեկան պատանիների և աղջիկների առաջնություններին հանրապետությունը ներկայացնող մարզիկները կընտրվեն Հայաստանի տղամարդկանց և կանանց առաջնությունների արդյունքներով: Տվյալ առաջնություններին մասնակցելու

նախապատվության իրավունքից կարող են օգտվել այն շախմատիստները, ովքեր ընդգրկված են ազգային հավաքականների կազմում:

Հայաստանի պատանիների և աղջիկների առաջնության մասնակիցների հայտերը Երևանի քաղաքային ֆեդերացիան և մարզային համապատասխան կազմակերպությունները պետք է ներկայացնեն մինչև 2025 թ. ապրիլի 4-ը / հայտերի ընդունման վերջնաժամկետն է/:

Հայաստանի պատանիների և աղջիկների առաջնության եզրափակիչ մրցաշարերը կանցկացվեն Հայաստանի շախմատի ակադեմիայում /հասցե՝ Շևչենկոյի փող. 34, հեռ.: 99/10 440105 կամ 448476/:

ՀԱՅԱՍՏԱՆԻ ՊԱՏԱՆԻՆԵՐԻ ԵՎ ԱՂՋԻԿՆԵՐԻ ԲԼԻՑ ԱՌԱՋՆՈՒԹՅՈՒՆ

Մրցաշարերը կանցկացվեն մարտի 22-ին՝ շվեյցարական մրցակարգով, 9 խաղափուլով:

Ք Երևան, Շևչենկո 34 հասցեում:

ՀԱՅԱՍՏԱՆԻ ՊԱՏԱՆԻՆԵՐԻ ԵՎ ԱՂՋԻԿՆԵՐԻ ԱՌԱՋՆՈՒԹՅԱՆ ԿԻՍԱԵԶՐԱՓԱԿԻՉ ՄՐՑԱՇԱՐԵՐ

Կիսաեզրափակիչ մրցաշարերը կանցկացվեն 2025 թ. մարտի 22-ից 31-ը, մարզերը և Երևանը ներկայացնող շախմատիստների մասնակցությամբ, շվեյցարական մրցակարգով, 9 խաղափուլով: Այս մրցաշարերի համար ընտրական փուլ են հանդիսանում Երևանի և հանրապետության մարզերի պատանիների առաջնությունների մրցաշարերը:

Կիսաեզրափակիչ մրցաշարերում մասնակցության անհատական իրավունք ունեն Հայաստանի 2024 թ. առաջնության եզրափակիչ մրցաշարերում 2-3-րդ տեղեր գրաված պատանիներն ու աղջիկները:

Այստեղ և հետագայում հիմք է ընդունվում 2025 թ. հունվարի 1-ի դրությամբ հրապարակված վարկանիշային ցուցակը, ընդ որում, եթե հաշվարկվել է շախմատիստի խաղացած առնվազն 40 պարտիա:

Մինչև 8 տարեկան տղաների առաջնության կիսաեզրափակիչ մրցաշարում մասնակցության իրավունք ունեն

-2-րդ կարգային շախմատիստները

Երևանից 20 շախմատիստ, Շիրակի, Լոռու, Կոտայքի և Արարատի մարզերից՝ 5-ական, Մյունիքի, Արմավիրի և Արագածոտնի մարզերից՝ 3-ական, Տավուշի, Վայոց ձորի և Գեղարքունիքի մարզերից՝ 2-ական շախմատիստ: Երևանը ներկայացնող շախմատիստները պետք է ունենան առնվազն 4-րդ կարգ: Մարզերի ներկայացուցիչների համար կարգ ունենալը պարտադիր պայման չէ:

Կիսաեզրափակիչ մրցաշարի արդյունքներով 1-12-րդ հորիզոնականները զբաղեցրած շախմատիստները կնվաճեն եզրափակիչ մրցաշարի ուղեգրեր:

Մինչև 10 տարեկան տղաների առաջնության կիսաեզրափակիչ մրցաշարում մասնակցության իրավունք ունեն.

- Առաջին կարգ ձեռք բերած շախմատիստները,

- 25 շախմատիստ Երևանից, 8-ը Կոտայքի մարզից, 7-ական Շիրակի, Արարատի և Արմավիրի մարզերից, 6-ական Լոռու մարզից, 5-ը՝ Արագածոտնի և Սյունիքի մարզերից, 3-ական Վայոց Ձորի, Գեղարքունիքի և Տավուշի մարզերից:

Երևանը ներկայացնող շախմատիստները պետք է ունենան առնվազն 2-րդ , իսկ մարզերի ներկայացուցիչները՝ առնվազն 3-րդ կարգ:

Մինչև 12 տարեկան տղաների առաջնության կիսաեզրափակիչ մրցաշարում մասնակցության իրավունք ունեն.

-2026 և բարձր ազգային վարկանիշով շախմատիստները.

-20 շախմատիստ Երևանից, 7-ական Արարատի և Կոտայքի մարզերից, 6-ական՝ Շիրակի, Լոռու և Արմավիրի մարզերից, 5-ը՝ Սյունիքի մարզից, 4-ական՝ Արագածոտնի և Գեղարքունիքի մարզերից, 2-ական Վայոց Ձորի և Տավուշի մարզերից:

Երևանը ներկայացնող շախմատիստները պետք է ունենան առնվազն 1-ին, իսկ մարզերի ներկայացուցիչները՝ առնվազն 2-րդ կարգ:

Մինչև 14 տարեկան տղաների առաջնության կիսաեզրափակիչ մրցաշարում մասնակցության իրավունք ունեն:

-2076 և բարձր ազգային վարկանիշով շախմատիստները.

-18 շախմատիստ Երևանից, 5-ական՝ Արարատի, Շիրակի, Լոռու, Կոտայքի և Արմավիրի մարզերից, 3-ական՝ Սյունիքի և Արագածոտնի մարզերից, 2-ական՝ Գեղարքունիքի, Վայոց Ձորի և Տավուշի մարզերից: Մասնակցության իրավունք ունեն առնվազն 1-ին կարգային շախմատիստները (2-րդ կարգային շախմատիստներն իրավունք ունեն, եթե մարգային առաջնությունում գրավել են 1-ին տեղ):

Մինչև 16 տարեկան տղաների առաջնության կիսաեզրափակիչ մրցաշարում մասնակցության իրավունք ունեն. Երևանից առնվազն 1980 վարկանիշ ունեցող

Մարզերից մասնակցության իրավունք ունեն առնվազն 1-ին կարգային շախմատիստները (2-րդ կարգային շախմատիստներն իրավունք ունեն, եթե մարգային առաջնությունում գրավել են 1-ին տեղ):

Մինչև 18 տարեկան տղաների առաջնության կիսաեզրափակիչ մրցաշարում մասնակցության իրավունք ունեն 2050 և բարձր ազգային վարկանիշով շախմատիստները:

Մինչև 10 տարեկան աղջիկների առաջնության կիսաեզրափակիչ մրցաշարում մասնակցության իրավունք ունեն

- առնվազն 3-րդ կարգ ունեցող շախմատիստուհիները և Երևանյան փուլից 10 տեղ

Մինչև 12 տարեկան աղջիկների առաջնության կիսաեզրափակիչ մրցաշարում մասնակցության իրավունք ունեն

- առնվազն 2-րդ կարգ ունեցող շախմատիստուհիները և Երևանյան փուլից 12 տեղ
- մարզերից առնվազն 3-րդ կարգ ունեցող շախմատիստուհիները

Մինչև 14 տարեկան աղջիկների առաջնության կիսաեզրափակիչ մրցաշարում մասնակցության իրավունք ունեն առնվազն 2-րդ կարգային շախմատիստուհիները:

Մինչև 16 տարեկան աղջիկների առաջնության կիսաեզրափակիչ մրցաշարում մասնակցության իրավունք ունեն առնվազն 1-ին կարգ ունեցող շախմատիստուհիները:

Հայաստանի պատանիների և աղջիկների առաջնության կիսաեզրափակիչ մրցաշարերի հայտերը Երևանի քաղաքային ֆեդերացիան և մարզային համապատասխան կազմակերպությունները պետք է ներկայացնեն Հայաստանի շախմատի ակադեմիա մինչև 2025 թ.-ի մարտի 11-ը / հայտերի ընդունման վերջնաժամկետն է/:

Հայաստանի պատանիների և աղջիկների առաջնության կիսաեզրափակիչ և եզրափակիչ մրցաշարերը կանցկացվեն Հայաստանի շախմատի ակադեմիայում /հասցե՝ Շնչենկոյի փող.,34, հեռ.։ հեռ.։ 99/10440105 կամ 448476/:

ՀԱՅԱՍՏԱՆԻ ԱՐԱԳ ՇԱԽՄԱՏԻ ԱՌԱՋՆՈՒԹՅՈՒՆ

Հայաստանի արագ շախմատի կիսաեզրափակիչ մրցաշարը կանցկացվի մինչև 2025 թվականի հունվարի 28-ը, Երևանում: Մասնակցության իրավունք ունեն մինչև 2300 ազգային վարկանիշ ունեցող շախմատիստները: Մրցաշարում 1-15-րդ հորիզոնականները զբաղեցրած շախմատիստներն իրավունք կստանան մասնակցելու 2025 թ.-ի Հայաստանի արագ շախմատի Աշոտ Անաստասյանի հիշատակին նվիրված եզրափակիչ մրցաշարին, որը տեղի կունենա հունվարի վերջին:

Մրցաշարն անցկացվում է 7-ը խաղափուլով, շվեյցարական մրցակարգով, 10 րոպե + 5-ական վայրկյան ժամանակակարգով:

Մասնակցության իրավունք ունեն.

ա. Տղամարդկանց և կանանց գրոսմայստերները, միջազգային, ՖԻԴԵ-ի և ազգային վարպետները,

բ. 2300 և բարձր վարկանիշ ունեցող շախմատիստները,

գ. Հայաստանի արագ շախմատի կիսաեզրափակիչ մրցաշարից 15 շախմատիստ,

Ծանոթություն

Հայաստանի առաջնությունների ոչ երևանաբնակ մրցավարները և մասնակիցները /պետք է ներկայացնեն անձնագրի պատճեն, անչափահասները՝ ծննդյան վկայականի պատճեն և ծնողի անձնագրի պատճեն/ մրցումների ընթացքում կապահովվեն հյուրանոցով և օրապահիկով, եթե բնակվում են անցկացման վայրից 30 կմ և ավել հեռավորությամբ: